

HI-TEA PERKONGSIAN BISNES AR-RAHNU



Encik Zaharuddin Alias, Pengerusi KOPUTRA
sedang memberi penerangan.



Encik Mohd Fadzil Abdul Ghani (Depan tiga dari kiri) dan Encik
Abdul Rahim Llin (Tengah tiga dari kanan) bergambar bersama
wakil-wakil koperasi dan pengurusan KOPUTRA

JULAI 2025 - Suasana mesra dan penuh makna menghiasi Program Hi-Tea anjuran bersama Koperasi Pelaburan Kakitangan Bank Muamalat Malaysia Berhad (KOPUTRA) dan Koperasi Aspirasi Berhad (KAB) yang berlangsung dengan jayanya di Hotel Tenera, Bangi pada 16 Julai 2025. Program ini teretus hasil pertemuan santai dua pemimpin koperasi berwawasan yang berhasrat merapatkan hubungan serta membentuk kerjasama strategik antara koperasi yang menjalankan perniagaan Ar-Rahnu. Turut hadir mewakili KOPMEDIA ialah Pengerusi, Encik Mohd Fadzil Abdul Ghani serta Setiausaha, Encik Abdul Rahim Llin.

Hi-Tea ini diadakan sebagai platform berkenalan dan bertukar pendapat dalam kalangan koperasi Ar-Rahnu, khususnya yang bergerak secara sendiri. Melalui sesi ini, peserta dapat mengenal pasti cabaran bersama dalam operasi Ar-Rahnu, di samping berkongsi cadangan serta idea perniagaan yang boleh dimanfaatkan secara bersama. Antara hasrat utama yang dicadangkan adalah penubuhan Ar-Rahnu Chamber of Commerce Malaysia sebagai satu badan khas yang berperanan membantu dan menyelaras pembangunan industri Ar-Rahnu koperasi.

Sebanyak tujuh koperasi daripada lapan yang dijemput telah menghadiri program ini, iaitu Koperasi Pelaburan Kakitangan Bank Muamalat (KOPUTRA), Koperasi Aspirasi Berhad (KAB), Koperasi Media Prima Berhad (KOPMEDIA), Koop Sahabat, KOBIMBING, KOPONAS dan Koperasi UniKeb Berhad.

#KOPMEDIA
#MAJUKOPERASIANGGOTABAHAAGIA